

OPEC fond za razvoj-OFID

Broj: 01-36-105-2285/13

Datum: 03.09.2018. godine

Na osnovu člana 69. stav (2) tačke (a) i člana 70. stav (1), (4) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), a na Preporuku Komisije za javnu nabavku imenovane Rješenjem broj: 01-36-105-2227/13 od 15.03.2018. godine, federalni ministar raseljenih osoba i izbjeglica *d o n o s i*:

O D L U K U O PONIŠTENJU POSTUPKA JAVNE NABAVKE LOT 2

Član 1.

Prihvata se Preporuka Komisije za javnu nabavku, broj: 01-36-105-2284/13 od 23.07.2018. godine i poništava se postupak javne nabavke - Izvođenje građevinskih radova na rekonstrukciji i izgradnji 5 stambenih jedinica u LOT-u 2 u opštinama: Kalinovik (2 st.jedinice), Foča (2 st.jedinice) i Gacko (1 st.jedinice), u okviru implementacije Projekta OPEC fonda za razvoj-OFID, iz razloga što nije dostavljena nijedna ponuda za LOT-2 u određenom krajnjem roku, u skladu sa članom 69. stav (2) tačka (a) Zakona o javnim nabavkama („Službeni glasnik BiH“, broj 39/14).

Član 2.

Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica (www.fmroi.gov.ba), u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke - Izvođenje građevinskih radova na rekonstrukciji i izgradnji 5 stambenih jedinica u LOT-u 2 u opštinama: Kalinovik (2 st.jedinice), Foča (2 st.jedinice) i Gacko (1 st.jedinice), u okviru implementacije Projekta OPEC fonda za razvoj-OFID, pokrenut je Odlukom o pokretanju postupka javne nabavke, broj: 01-36-105-2274/13 od 06.06.2018. godine.

Javna nabavka je provedena putem Otvorenog postupka javne nabavke.

Procijenjena ukupna vrijednost javne nabavke za LOT-2 iznosi 151.000,00 KM bez PDV-a.

Obavještenje o nabavci, broj: 668-1-3-26-3-35/18, objavljeno je na Portalu javnih nabavki dana 06.06.2018.godine.

Obavještenje o nabavci, broj: 668-1-3-26-3-35/18, objavljeno je u „Službeni glasnik BiH“ broj 38 dana 08.06.2018. godine.

Komisija za javnu nabavku imenovana je Rješenjem, broj: 01-36-105-2227/13 od 15.03.2018. godine.

Komisija nadležna za provođenje predmetnog postupka, u skladu sa članom 65. Zakona o javnim nabavkama („Službeni glasnik BiH“, broj 39/14), sačinila je Zapisnik o pregledu i ocjeni ponuda, broj: 01-36-105-2281/13 od 23.07.2018. godine, u kojem je konstatovano da nije pristigla nijedna ponuda po ovom predmetu nabavke do krajnje utvrđenog roka za predaju ponuda.

Na osnovu naprijed navedenog, Komisija za javnu nabavku je Ugovornom organu dala Preporuku o poništenju postupka javne nabavke, odnosno da donese odluku o poništenju postupka javne nabavke - Izvođenje građevinskih radova na rekonstrukciji i izgradnji 5 stambenih jedinica u LOT-u 2 u opštinama: Kalinovik (2 st.jedinice), Foča (2 st.jedinice) i Gacko (1 st.jedinice), obzirom da je za LOT-2 nastupio slučaj iz člana 69. stav (2) tačka (a) Zakona o javnim nabavkama („Službeni glasnik BiH“, broj 39/14).

Iz navedenih razloga, primjenom člana 69. stav (2) tačke (a) Zakona o javnim nabavkama („Službeni glasnik BiH“, broj 39/14), odlučeno je kao u dispozitivu ove Odluke.

Pouka o pravnom lijeku:

Protiv ove Odluke, ponuđač koji je učestvovao u postupku nabavke, može izjaviti žalbu Ugovornom organu u roku od deset (10) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.


MINISTAR
dr.šci. Edin Ramić

Dostaviti:

1. Web stranici Ministarstva
2. Komisiji za javnu nabavku
3. a/a